



John Tysse
Åsgardane 292
5282 LONEVÅG

Referanser:
Dykkar:
Vår: 23/939 - 23/12456

Saksbehandlar:
Tore Johan Erstad
tore.johan.erstad@osteroy.kommune.no

Dato:
06.06.2023

Åsen Hjortevald - Svar på søknad om fellingsløyve hjortejakta 2023 - Vedtak

Administrativt vedtak, sak 23/939

VEDTAK

Med heimel i hjorteviltforskrifta § 18, får Åsen hjortevald tildelt 50 hjorteløyve til hjortejakta i 2023, jf. §§ 1 og 3.

Tildeling er gjort ved fråvik av minstearealet med 35 % oppover, etter hjorteviltforskrifta § 7, med lokale bestandsforhold og hjortevaldet sitt ønskje som grunngjeving, jf. saksutgreiinga.

Løyva vert tildelte ved «målretta tildeling» etter hjorteviltforskrifta § 18 tredje ledd, gjennom utsending av eige skjema med det første.

Det vert føresett av valdet følg strukturen i den målretta tildelinga ved jaktuttaket i 2023.

Bakgrunn

I søknad av 30.04.23 søker Åsen hjortevald, v/ John Tysse, om å få tildelt 50 fellingsløyve til hjortejakta 2023.

Søknaden utgjør ei auke med 5 løyve i høve til 2022, der tildelinga vil vere innanfor fastsett minsteareal i området (200 daa), utan å nytte «50%-regelen».

Søknaden er grunngjeve med den lokale bestandssituasjonen og Osterøy kommune sin forvaltingsplan for 2022-2025, med mål om reduksjon av bestanden i kommunen. Det går fram av søknaden at Åsen hjortevald ikkje har bestandsplan. I dette høve vil tildeling av løyve til valdet, fordelt på kjønn og alder, følgje fordelingsnøkkelen i vedteken forvaltingsplan («målretta tildeling»). Dette som grunnlag for intern

fordeling i valdet, i følge søkjar.

Formelt grunnlag/rammer

- Forskrift om forvaltning av hjortevilt, med Rundskriv M-478
- Forvaltingsplan for hjort for Osterøy kommune, 2022 - 2025
- Forskrift om minsteareal for hjort, Osterøy kommune, Vestland
- Vedtak i Planutvalet i Osterøy kommune, 25. mai 2023

Saksvurdering

I følge Forskrift om forvaltning av hjortevilt (hjorteviltforskrifta), skal kommunen sitt fastsette minsteareal i gjeldande område, vere utgangspunktet for tildeling av løyve, jf. § 6. Kommunen kan fråvike minstearealet for enkeltvald, oppover eller nedover, med inntil 50 %, ut frå lokal bestands-situasjon, gjeldande utviklingstrekk, skadeproblematikk med meir, jf. § 7. Eit slik fråvik skal gjerast som enkeltvedtak.

Åsen hjortevald (nr. 42) har 13 498 daa som godkjent, teljande areal. Valdet ligg i følge kommunen si forskrift om minsteareal, i eit område med 200 daa som minsteareal. Direkte overført, utløyer dette 67 hjorteløyve.

Tildeling til valdet i 2022 var 45 løyve, som utgjorde 300 daa i tildelingsareal, og bruk av «50%-regelen», oppover, med 50 %.

Ved ei tildeling på 50 løyve, vert tildelingsarealet 270 daa. Dette fører til bruk av «50%-regelen», oppover, med 35 %.

Fellingsstatistikken for dei fem siste åra (2018 -2022) viser høgt uttak av tildelt kvote i Åsen hjortevald, jf. tabellen under:

År	Tildelt løyve	Felte hjort	Fellingsprosent
2018	33	32	97%
2019	33	29	89 %
2020	33	30	90 %
2021	35	34	98 %
2022	45	44	98 %

Statistikken viser at jaktuttaket auka i takt med auken i løyvetalet frå 2021, gjennom god jaktrespons og svært høg fellingsprosent. Dette fortel at det var grunnlag for å auke tildelinga med 12 løyve.

Kommunedirektøren har ikkje vurdert strukturen i uttaket i den nemnde perioden nøye, men registrerer at årleg uttak av kalv har vore relativt høgt, med over 30 % dei fleste åra. Uttaket av spissbukk varierte kring 15 %, medan uttaket av halvanna år gamle hodyr, tidvis var høgt (25 % på det meste). Uttaket av vaksne hanndyr låg under 20 % i alle åra, medan fellinga av vaksne hodyr varierte ein del, frå 13 til 23 %, med 18 % i snitt for perioden (litt lågt?).

Oppsummert synest gjennomført jaktuttak i Åsen hjortevald å vere i tråd med Osterøy kommune si tildeling, og å byggje opp under kommunen sine mål om bestandsutvikling. Samla sett er difor vurderinga at det kan vere grunnlag for å auke tildelinga til 50 løyve for 2023.

Ein bør likevel vere forsiktig med for stor auke på kort tid, sidan uttaket av dyr i regi av andre vald i området, også er høgt. Ut frå bestandsforholda finn difor kommunedirektøren grunnlag for å nytte 50 % oppover ved tildeling til Åsen hjortevald, i samsvar med søknaden frå valdet.

I samband med vurdering av søknaden om auka tildeling, er det naturleg å trekkje inn vedtaket i Planutvalet frå 25. mai, som seier:

- *Utvalet vedtek med bakgrunn i forvaltingsplanen for hjort og resultata frå jakta i 2022 følgjande rammer for jakta i 2023: Ramma for tildelte dyr vert uendra frå 2022, dvs. ei ramme på 819 dyr.*

Denne ramma vil vere ei rettesnor for samla løyvetildeling i kommunen. I dette høvet er det naudsynt å sjå eventuelle endringar i tildelinga til einskilde vald, i samanheng med utvalet sitt vedtak. Samstundes er det naturleg å sjå løyvetildelinga opp mot den faktiske situasjonen lokalt - og i kommunen – i høve til forvaltingsplanen sine mål.

Konklusjon

Ut frå ei samla vurdering finn kommunedirektøren grunnlag for å tildele 50 løyve til Åsen hjortevald for jakta i 2023, som er ei auke med 5 løyve i høve til 2022.

Mynde:

Saka er handsama og avgjort administrativt i medhald av delegert mynde, jf. kommunelova § 13-1 sjette ledd og Osterøy kommune sitt gjeldande delegeringsreglement.

Klage:

Det vert gjort merksam på at dette er eit vedtak gjort av kommunen som kan klagast på til Statsforvaltaren, jf. forvaltningslova § 28. Klagefrist er 3 veker rekna frå melding om vedtak er motteke, jf. forvaltningslova § 29. Klagen skal stilast til Statsforvaltaren Vestland, men sendast til Osterøy kommune. Klagen må grunngjevast. Part har høve til dokumentinnsyn, jf. forvaltningslova §§ 18-19

Med helsing

Arnstein Øvsthus
kommunalsjef

Tore Johan Erstad
einingsleiar for tekniskforvaltning og plan

Brevet er godkjent elektronisk og har derfor inga underskrift.

